

փութաց անդր, և ժողովեալ զայլազգիո և զքրիստոնեայս
գեղջն՝ հարցանէ ցնոսա զգլխարդն, և նոքա ասեն . Այրն
ուխտատեղի է Հայոց, Յունաց և Լատինաց և այլ ամենայն
քրիստոնէից, և պատուի 'ի նոցանէ և աղօթեն անդ . եւ
'ի նախընթաց ամին մուծան սպասքս այսոքիկ եւ եղան
յիւրաքանչիւր տեղիս, եւ փոխեցաւ դուռն : Յայնժամ
հրամայեաց դատաւորն Լատինաց հանել անտի արտաքս
զամենայն կարասիս զոր մուծին . փակել զնոր դուռն եւ
բանալ զհինն, և թողուլ զԱյրն յառաջին վիճակի իւրում,
ուխտատեղի ամենայն քրիստոնէից եւ մի՛ սեփհականել
զայն և եթ ազգի միոյ, որ և արարին իսկ, ՎՊԳ (1776) :

Իսկ Զաքարիա Պատրիարք Կաղզվանցի, որ նստէր 'ի
Կոստանդինուպօլիս, կամելով բառնալ զտրտունջ միաբա-
նաց եւ զգայթակղութիւն հասարակութեան, խորհրդով
և հաճութեամբ գլխաւորաց ազգին գրեաց զեօթն գլուխս
բանից իրր կանոն, վասն բարեոք կառավարութեան Աթո-
ռոյն Երուսաղէմի, որ ունէր օրինակ զայս :

Մեծի արքայանիստ քաղաքիս Կոստանդինուպօլսոյ Պատ-
րիարքս հանդերձ իշխանօք և գրեթէ համայն ազգօք, 'ի
թուին Հայոց 1240 (1791) 'ի 23 Յունիս ամսոյ, 'ի միա-
սին հաւաքեալ համախոհ և համակամ հաճութեամբ զայ-
սոսիկ կանոնս հաստատեցաք վասն բարեպէս կառավա-
րութեան Ս . Երուսաղէմի առ 'ի զերծուցանելոյ զսոյն
Ս . Աթոռն 'ի բամբասանաց :

Նո՞ւ՝ Պատրիարքն զվեց նազըրս ունիցի ինքեան օգնա-
կան, որոց այժմ անուանքն են, Սարգիս եպիսկոպոս Կու-
ղիկեան, Աւետիք եպիսկոպոս, Զաքարիա, Կարապետ,
Պետրոս եպիսկոպոսունք, Մարտիրոս վարդապետ, և զա-
մենայն ինչ ժողովեալ հաւաքեսցեն թէ 'ի դարպասական
ողորմութենէ և թէ յայլոց . սոյն հարազատ գործակալքն՝
թուով և տումարաւ գիցեն յարկզն երկաթի, և զբանալին
ինքեանք պահեսցեն, և մի տումար եւս Պատրիարքն ու-
նիցի . երբ պիտոյ լիցի գործակալքն ըստ բաւականին
հանցեն զգրամն 'ի մատակարարութիւն Ս . Տանն մինչ 'ի
վերջ տարւոյն . և 'ի տարեգլխոյն մեծաւորն կոչեսցէ զգոր-
ծակալն և պահանջեսցէ 'ի նոցանէ զհաշիւ բոլոր տար-
ւոյն, եւ նոքա տացեն : Պատրիարքն նորեկ սպասաւոր